

CBETA電子佛典集成


CBETA Chinese Electronic Tripitaka Collection
ebook

T19n0972

佛頂尊勝陀羅尼念誦 儀軌法

唐 不空譯

中華電子佛典協會



目次

- [編輯說明](#)
- [章節目次](#)
- [卷目次](#)
 - [001](#)
- [贊助資訊](#)

編輯說明

- 本電子書以「CBETA 電子佛典集成 Version 2018」為資料來源。
- 漢字呈現以 Unicode 2.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

佛頂尊勝陀羅尼念誦儀軌法一卷

開府儀同三司特進試鴻臚卿肅國公食邑三千戶賜紫贈司空諡大鑒正號大廣智大興善寺三藏沙門不空奉
詔譯

夫念誦陀羅尼法。先於三昧耶曼荼羅。見聖眾得灌頂知本尊。從師受得三昧耶。即於山間閑處或於淨室。畫本尊尊勝陀羅尼像。安於東壁。上持誦者以面對之。其念誦處掘地深一肘半。地中若有瓦礫骨灰毛髮及諸穢物等。並須除之。若無還取本土。填滿築令平正。土若有餘其地吉祥。以瞿摩夷和好土。泥地面令平正。又取瞿摩夷和水。誦無能勝陀羅尼二十一遍。加持瞿摩夷。其無能勝真言曰。

曩莫三曼多沒(入)馱(引)喃(引一)唵(引二)虎魯虎魯(三)戰拏理(四)摩蹬儼(五丁以反)娑嚩(二合引)賀(引)

加持已。後從東北隅起首右旋塗之。次取蜀葵葉或蓮子葉。揩拭令其光淨。於上取白粉和水。以繩分九位拼之。石上磨白檀香用塗九位。其九位者。中央安毘盧遮那佛位。右邊安觀自在菩薩位。觀自在後。安慈氏菩薩位。毘盧遮那佛位後。安虛空藏菩薩位。此菩薩左邊。安普賢菩薩位。毘盧遮那佛位左邊。安金剛手菩薩位。金剛手菩薩位下。安文殊師利菩薩位。毘盧遮那佛前。安除蓋障菩薩位。除蓋障菩薩位右邊。安地藏菩薩位。是名九位。並用白檀香塗之。以為迎請賢聖之位。耳上安帳蓋四面懸幡。道場四邊。晨朝奉獻乳糜。齋時獻酪飯并甜膩食。及以諸漿兼諸果子。四門安四香爐。四隅安四淨瓶。盛香水插花或青葉樹枝。以為供養。四角燃四盞酥燈。道場前於念誦者座前。安置闍伽香水兩碗。所盛供養。取金銀熟銅瓷器或新瓦器或螺盃或新淨葉。餘並不堪。欲盛食時先淨洗器。覆之以香煙熏內。既盛食已又須香烟熏之。以無能勝陀羅尼加持水灑之。則於壇中右旋布列。然後於壇前安卑脚床子。去地半寸。或茅草薦或藉以淨物。念誦者坐之。念誦人應淨澡浴。澡浴法如蘇悉地中說。或以法澡浴。觀法實相以為澡浴。或以在家出家護持本律儀戒無所毀犯。以為澡浴。或每日三時佛前禮佛發露懺悔隨喜勸請發願迴向。以為澡浴。或以清淨真言加持七遍。以為清淨。澡浴正誦之時觀一切法本性清淨我亦得清淨。如是作意即誦澡浴真言曰。

唵(引)娑嚩(二合)娑(引)嚩訖馱(引)薩嚩達摩(入)娑嚩(二)娑(引)嚩戍(引)度憾

每日入道場念誦。定其時節。或二時謂早朝黃昏。或三時加午時。或四時依瑜伽加中夜。若於本教尊勝陀羅尼經。每於白月十五日。除滅業障增福延命。要期誦一千遍。證出世三摩地得不忘陀羅尼。其日一日一夜不食為上。或食三白食。所謂乳酪粳米飯。或粥為中。或如常齋食為下。身著淨衣服。心應虔誠淨信。心不猶豫。若欲持誦。至道場先雙膝著地。禮毘盧遮那佛及八大菩薩。發露懺悔發五大願。一眾生無邊誓願度。二福智無邊誓願集。三法門無邊誓願學。四如來無邊誓願事。五無上菩提誓願成。結加趺坐以香塗手結三昧耶印誦真言曰。

曩莫三曼多沒馱喃(一)阿三冥(二)底哩(二合)三冥(三)三昧曳娑嚩(二合引)賀(引)

其印。二手合掌豎二大指印。於五處。額右肩左肩心喉。各誦真言一遍加持頂上散。由三昧耶印真言威神力故。能淨如來地地波羅蜜圓滿。能成就世間出世間悉地。

次結法界生印誦真言曰。

曩莫三曼多沒馱(引)南(一)達囉麼(二合)馱(引)賭(二)娑嚩(二合)娑嚩(二合)句憾

結印相。二手大指安於掌中。各作拳。豎二頭指側並合。安於頂上。從頂向下徐徐下散。誦真言三遍。

即觀自身等同法界。離諸色相猶如虛空。

次結金剛薩埵法輪印誦真言曰。

曩莫三曼多嚩日囉(二合)喃(引)唵(引)嚩日囉(二合引)怛摩(二合)句(引)憾

結印相。二手背相叉。以左大指安右手掌中。與右手大指相拄即誦真言三遍。獲得自身如金剛薩埵。

次結金剛甲冑印真言曰。

曩莫三曼多嚩日囉(二合)喃(引)唵(引)嚩日囉(二合)迦嚩者吽

其印相。二手虛心合掌。二頭指各安於中指背。二大指並合。於中指中節上成印。同前五處各誦真言一遍。由此加持自身成被金剛甲冑。一切天魔無能親近。

次結不動尊印真言曰。

曩莫三曼多嚩日囉(二合)喃(一)戰拏摩賀嚩沙拏(二句)薩叵(二合)吒耶(三)吽怛囉(二合)吒憾(引)[牟*合](引)

結印二手各以大指。捻小指及無名指甲上。各豎中指頭指並之。左手為鞘右手為刀。以刀入鞘狀右刀印左旋轉辟除道場中諸魔作障者。右旋轉八方結上下方隅界。然後想道場中須彌山。於山頂上想七寶樓閣。於樓閣中。毘盧遮那佛與八十俱胝十地滿足菩薩摩訶薩。以為眷屬而自圍遶。四門四隅各四菩薩及八供養。以內外供養。觀想奉獻。了了分明。

次結奉請聖眾如來鉤印誦真言曰。

曩莫(上)三(去)滿馱沒馱南(引一)嚙(二引)薩嚩怛囉(二合)鉢囉(二合)底呵諦怛他(引)藥當矩捨(三)[日/月]地者囉哩耶(二合)跋哩布(引)囉迦(四)娑嚩(二合引)賀(引)

結相二手內相叉作舉。申右手頭指。屈如鉤形。誦三遍由印真言威神力故。諸佛如來及以聖眾。不違本誓皆悉集會。

次結奉獻座印誦真言曰。

曩莫三曼多沒馱喃(引)惡(引急呼)

契相二手虛心合掌。二小指二大指相合。餘六指開舒微屈如蓮華敷。誦三遍。由此印及真言威力。流出一切微妙寶座。猶如雲海。奉獻如來一切聖眾。

次奉獻闍伽誦真言曰。

曩莫三曼多沒馱南(一)誡誡曩三摩三摩娑嚩(二合)賀(引)

即以兩手捧器當額。[跏*月]跪誦三遍。奉獻闍伽沐浴聖眾。

次結奉獻塗香印誦真言曰。

曩莫(上)三(去)曼多沒馱南(引一)微輪(上)馱嚩(引)度(上)納婆嚩(引)耶娑嚩(二合引)賀

契相右手豎掌向外。以左手握右手腕。誦三遍由此印真言威力故。流出一切塗香雲海。供養一切如來及

諸聖眾。

次結奉獻花鬘印誦真言曰。

曩莫三曼多沒馱南(引)摩賀(引)昧怛哩夜(三合)毘庾(二合)那藥帝娑嚩(二合)賀

契相二手。內相叉仰掌。頭指相拄誦三遍。由此印及真言威力。流出一切花鬘雲海。供養一切如來聖眾。

次結奉獻燒香印真言曰。

曩莫三曼多沒馱(引)南(一)達麼馱(引)怛嚩(二合引)拏鼻音藥帝(引)娑嚩(二合)賀

契相二手仰掌。以小指中指無名指屈豎相背。誦三遍。由此印真言威力。流出一切燒香雲海。供養一切如來及諸聖眾。

次結奉獻飲食印誦真言曰。

曩莫三曼多沒馱南(引)阿囉囉迦囉沫隣捺涅摩賀(引)沫履娑嚩(二合)賀

契相虛心密令開掌如器。誦三遍。由此印真言威力。流出無邊飲食雲海。供養一切如來及諸聖眾。

次結奉獻燈明印誦真言曰。

曩莫三曼多沒馱(引)南(引)怛他(引)槃怛紫娑叵(二合)羅寧(二)嚩婆(去)娑娜(三)誡誡捺娜哩野(二合)娑嚩(二合)賀

契相右手作拳豎中指。以大指捻中指中節。誦三遍。由此印真言威力。流出一切燈明雲海。供養一切如來及諸聖眾。又復如來大乘經所說。當觀想幢蓋幡網瓔珞衣服繒綵等物諸供養雲海充遍法界誠實言伽他而讚曰。

以我功德力 如來加持力 及以法界力 普供養而住

次結虛空藏明妃印真言曰。

曩莫三曼多沒馱(引)南(引)薩嚩他欠烏娜藥(二合)帝娑叵囉吽(引)[牟*含]誡誡劍娑嚩(二合引)賀(引)

其契相二手相叉合掌右押左。誦七遍。次想自身於心中有圓明月輪。了了分明。於月輪上想。

欠字。白色放大光明。遍照十方一切世界。思欠字實相義。所謂一切法等同虛空。離諸色相離諸障礙。則於真實理中。觀自身作金剛波羅蜜佛母菩薩像。左手持蓮花。其蓮花上有五股金剛杵。右手作仰掌。垂手為施願勢。具頭冠瓔珞。面貌慈愍拔濟一切眾生勢。作是觀已。二手外相叉作拳。豎二中指。以此金剛波羅蜜印。加持印於四處。謂印心額喉頂。印已便散手誦金剛波羅蜜真言曰。

唵薩怛嚩(二合)嚩日哩(二合)吽

當印四處時。各誦一遍。即用前印安於額上誦三遍。以為灌頂灌頂已。其印手分兩邊。以金剛拳繼頂後。誦真言曰。

唵嚩日囉(二合引)鼻訖遮

誦三遍。即結被甲印。二手各作金剛拳。各豎頭指當心相纏。如繼甲冑。即於背後亦復如是。次臍次兩膝。却繞腰後漸當心。次兩肩亦如是繼。次繼頂下項後額前。却於腦後以兩金剛拳。繼漸垂手兩邊徐徐下。如垂帶勢。即以兩手掌相拍三聲。誦被甲真言曰。

唵(引)砧(誅唵反)

又拍掌真言曰。

唵嚩日囉(二合)觀史耶(二合)穀

自想己身成本尊已。二手合掌屈二頭指甲相背。以二大指壓二頭指頭。如彈指勢。即誦尊勝陀羅尼曰。

曩慕(引)婆誡嚩帝(一)怛[口*束*頁](二合)路(引)枳也(二合二)鉢囉(二合)底(丁以反三)尾始瑟吒(二合引)也(四)勃馱(引)耶(五)婆誡嚩帝(六)怛儻也(二合)他(引七)唵(八)尾戌(引)馱也(九)三麼三滿多嚩娑娑(十)薩頗(二合)囉拏(十一)孽底(丁異反)誡賀曩(十二)薩囉(二合)娑(引)嚩秣(輪律反下並同)第(十三)阿鼻誑左[牟*含](十四引)素誡多嚩囉嚩左曩(十五)蜜[口*栗](二合)多(引)鼻曬鬪(十六八)阿(引)賀囉阿(引上)賀囉(十七)阿(引八)欲散馱(引)囉拏(十八)戌(引)馱也戌馱也(十九)誡誡曩尾秣提(二十)鄔瑟拏(三合)沙(二十)尾惹也尾秣提(二十二)娑賀娑囉(二合二十三)囉濕弭(二合)散祖(引)禰帝(二十四)薩嚩怛他(引)孽多(引二十五)地瑟佉(引二合)曩(引)地瑟恥(二合)多(二十六)畝捺[口*(隸-木+土)](二合二十七)嚩日囉(二合)迦(引)耶(土二十八)僧(去)賀怛那秣第(二十九)薩嚩(引)嚩囉拏尾秣第(三十)鉢囉(二合)底儻多也(三十一)阿(引)欲秣第(三十二)三麼耶(引)地瑟恥(二合)帝(三十三)麼拏麼拏(三十四)怛闍多(引)步多俱胝(三十五)跛哩秣第(三十六)尾娑怖(二合)吒(三十七)勃地秣第(三十八)惹也惹也(三十九)尾惹也尾惹也(四十)娑麼(二合)囉娑麼(二合)囉(四十一)薩嚩勃馱(引)地瑟恥(二合)多秣第(四十二)嚩日[口*(隸-木+土)](二合)嚩日囉(二合)孽鞞(四十三)嚩日嚩(二合)娑嚩觀(四十四)麼麼(四十五某甲)薩嚩薩怛嚩(二合引四十六)難(上引)左迦(上引)也尾秣第(四十七)薩嚩孽底(四十八)跛哩秣第(四十九)薩嚩怛他(引)孽多(五十)三摩(引)濕嚩(二合引)娑(引)地瑟恥(二合)帝(五十一)勃[亭*夜]勃[亭*夜](五十二)[日/月](引)馱也冒(引)馱也(五十三)三滿多跛哩秣第(五十四)薩嚩怛他(引)孽多(引五十五)地瑟佉(二合引)曩(引五十六)地瑟恥(二合)多(五十七)摩賀(引)畝捺[口*(隸-木+土)](二合五十八)娑嚩(二合引)賀(引五十九)

所誦之聲。不高不下不緩不急。一心緣觀毘盧遮那佛。了了分明。誦七遍已印頂上散。取菩提子念珠安於掌中。誦加持念珠真言曰。

唵尾嚩遮那麼羅娑嚩(二合引)賀(引)

誦七遍已。安頂上以左手。當心。承珠。右手移珠。每與娑嚩(二合)賀齊聲移一珠。念誦至一百八遍。乃至一千遍。却取珠蟠於掌中。合掌安於頂上。而發所求清淨妙願。願一切眾生皆悉獲得。復結本尊印。誦七遍或三遍。復結金剛波羅蜜印。又復結五種供養印。并誦五種真言而供養之。具如上說。即結不動尊印誦一遍。以印左轉即成解界。執闍伽器奉獻供養。即結前三昧耶印。當頂上奉送。誦三昧耶真言一遍。不解此印便誦金剛解脫真言曰。

唵嚩日囉(二合)謨(引)訖叉(二合)穆

奉送諸佛聖眾。如前禮拜發露懺悔隨喜勸請發願迴向已。出道場。後即於靜處。轉讀大乘經。觀第一義諦。以此妙福迴向所求。助成悉地。若作息災法。面向北其壇圓。觀聖眾白色。道場中所供養物皆白。身著白衣面向北坐。燒沈水香若作增長法。面向東坐。本尊及供養并自身衣服悉皆黃色。燒白壇香若作降伏法。面向南坐。本尊及供養并衣服並青色或黑色。燒安息香。若作敬愛法。面向西坐。觀本尊赤色。及飲食衣服皆赤。燒酥合香。

佛頂尊勝陀羅尼念誦儀軌法一卷

[CBETA 贊助資訊 \(http://www.cbeta.org/donation/index.php\)](http://www.cbeta.org/donation/index.php)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」－ CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

[前往捐款](#)

信用卡 (單次 / 定期定額) 捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

劃撥捐款

郵政劃撥帳號：19538811

戶名：財團法人西蓮教育基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will

also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex- cheques, remittance, etc.,) please entitle to "The Seeland Education Foundation".
